

# ЭРДЭНЭ РЕСУРС 2-Р УЛИРЛЫН САНХҮҮГИЙН ТАЙЛАН, ХӨНДИЙ АЛТНЫ ТӨСӨЛ БОЛОН УРЬДЧИЛСАН ТЭЗҮ-Д БАГТСАН 2-Р УЛИРЛЫН ӨНДӨР АГУУЛГА БҮХИЙ ӨРӨМДЛӨГИЙН ҮР ДҮНГИЙН ТАЛААР ТАНИЛЦУУЛЛАА

---

## Хэвлэлийн Мэдээ

Нова Скошиа муж, Халифакс хот  
2019.08.12

Эрдэнэ Ресурс Девелопмент Корпораци (TSX:ERD | MSE:ERDN) (цаашид “Эрдэнэ Ресурс” эсвэл “Компани” гэх) нь 2019 оны 6 сарын 30-аар дуусгавар болсон гурав болон зургаан сарын санхүүгийн тайлан болон Хөндий Алтны Төслийн үйл явцыг танилцуулахад таатай байна. Компанийн SEDAR (“System for electronic document analysis and retrieval”)–т бүртгэгдсэн 2019 оны 2-р улирлын Санхүүгийн тайлан, Үйл ажиллагааны тайлан (“MD&A” буюу “Удирдлагын хэлэлцүүлэг ба дүн шинжилгээ”) ба Жилийн эцсийн мэдээллийн эмхэтгэл (“AIF”) нь энэхүү хэвлэлийн мэдээний салшгүй нэг хэсэг болно.

### Компанийн тодруулга:

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ: “Бид 2019 оны 2-р улиралд Хөндий Алтны Төслийг олборлолтын шат руу ахиулах, мөн Хөндий Алтны Дүүргийн өндөр агуулга бүхий үнэт болон суурь металлын нөөцийг тэлэх зорилготой хоёр стратегийн зорилтын дагуу ажилласан.”

“Бид Баян Хөндий алтны төсөл хөгжүүлэлтэд чухал алхмыг хийж чадсан нь Баян Хөндий орд дээр ашиглалтын тусгай зөвшөөрөл авсан явдал байв. Ашиглалтын тусгай зөвшөөрөл нь Баян Хөндий алтны төслийн голлох зөвшөөрлүүдийн нэг бөгөөд Баян Хөндийн нөөцийг урт хугацаанд хөгжүүлэхэд чухал ач холбогдолтой.”

“Хөндий Алтны Төслийн урьдчилсан ТЭЗҮ (“PFS”)–ийн хүрээнд нөөцийн тооцоолол, уурхай, геотехник, металлург, боловсруулалт, хаягдал чулуулаг болон гидрогеологийн судалгааны урьдчилсан үр дүнг хүлээн авснаар урьчилсан ТЭЗҮ боловсруулах үйл явц нь төлөвлөгөөний дагуу хэрэгжиж байна.” “Мөн эдийн засгийн загварчлалын хүрээнд боловсруулах үйлдвэр, тоног төхөөрөмжийн үнийн санал авах хүсэлтийг явуулсан. Төлөвлөсний дагуу 2019 оны хоёрдугаар хагаст урьдчилсан ТЭЗҮ-г танилцуулна.”

“2-р улиралд танилцуулсан өрөмдлөгийн үр дүнгүүд, түүнд багтсан Мидфийлд бүсийн 5.9 г/т агуулга бүхий 112 метрийн интервал нь урьдчилсан ТЭЗҮ-д багтсан бөгөөд энэ нь баялгийн болон эрдсийн нөөцөд эерэгээр нөлөөлөх боломжтой. 2019 оны хоёрдугаар хагас жилд хийгдэх өрөмдлөгийн хөтөлбөрт Баян Хөндийн баруун өмнө хэсэгт шинээр нээн илрүүлсэн бүс, мөн түүнчлэн Хөндий Алтны Төслийн нөөцийг нэмэгдүүлэх зорилготой Дүүргийн хэтийн төлөв бүхий бүсүүд багтана.” хэмээн Петер Акерли танилцууллаа.

## 2019 оны 2-р улирлын онцлох үйл явдлууд:

### Үйл ажиллагааны онцлох мэдээлэл

- > 2019 оны 8 сарын 5-нд Баян Хөндийн ашиглалтын тусгай зөвшөөрлийг авсан:
  - > Ашиглалтын тусгай зөвшөөрөл нь 30 жилийн хугацаатай олгогдсон бөгөөд компани үргэлжлүүлэн 70 жил хүртэл сунгах боломжтой.
  - > Алтан Нарын ашиглалтын тусгай зөвшөөрлийн өргөдлийн бэлтгэл ажил хийгдэж байна.
- > Урьдчилсан ТЭЗҮ-ийн үр дүнг дэмжих нийт 1,800 метрийн өрөмдлөгийн хөтөлбөрийг Баян Хөндийд хийж гүйцэтгэсэн:
  - > Мидфийлд бүсэд 45 г/т алтны агуулгатай 8 метрийн интервалыг багтаасан 5.9 г/т дундаж алтны агуулга бүхий 112 метрийн интервалыг тогтоосон.
  - > Мидфийлд бүсэд газрын гадаргаас 7 метрээс эхэлсэн өндөр агуулга бүхий интервалууд илрүүлсэн. Үүнд 14 г/т алтны агуулга бүхий 14 метр интервал огтолсон.
  - > Төлөвлөж буй ил уурхайн гүний хязгаараас доош 39 г/т алтны агуулга бүхий 2 метрийн интервал огтолсон бөгөөд ил уурхайн төлөвлөж буй ухаас баруун зүгт 210 метрт 40 г/т алтны агуулга бүхий 3 метрийн интервал огтолсон.
  - > Өмнө нь судлагдаагүй шинэ бүсэд 51.9 г/т алтны агуулга бүхий 1 метрийн интервал огтоллоо.
- > Хөндий Алтны Төслийн урьдчилсан ТЭЗҮ-г Tetra-Tech, Inc удирдан, боловсруулж байна:
  - > Нөөцийн тооцоолол, уурхай, геотехник, металлург, боловсруулалт, хаягдал чулуулаг болон гидрогеологийн урьдчилсан үр дүнг хүлээн авсан.
  - > Боловсруулах үйлдвэр, тоног төхөөрөмжийн үнийн санал авах хүсэлтийг гаргасан.
  - > 2019 оны 3-р улиралд урьдчилсан ТЭЗҮ-г танилцуулан, тайланг 4-р улиралд бүртгүүлэхээр төлөвлөж байна.
  - > Урьдчилсан ТЭЗҮ нь Баян Хөндийн мэдээлэлд тулгуурлах ба Хөндий Алтны Төслийн техникийн тайланд багтсан Алтан Нар төслийн АШЭЗТ-ийн мэдээллийг багтаана.
- > Баян Хөндийн металлургийн судалгааны хөтөлбөрийг Blue Coast Research гүйцэтгэсэн:
  - > 1.07 г/т-оос 10.8 г/т алтны эх агуулга бүхий хоёр үндсэн, 13 хувьсах дээжийг шалгасан.
  - > 0.5-1.0 г/л цианидийн концентрацад 48 цагийн турш уусгаснаар 91-96% алт авалттай байсан бөгөөд дээжийн 80% нь 75 микрон хүртэл бутлагдсан ба 3.5 г/т алтны агуулга бүхий хүдрээс 93% алт авалттай байх төлөвтэй байна.
  - > Бутлагдах шинж чанарын судалгаагаар (Bond Ball Work index, SMC, Abrasion index) Баян Хөндийн чулуулаг нь харьцангуй хатуу болон дундаж үрэгдэх чанартай байсан.
- > Гидрогеологи – Боловсруулах усны хайгуулын хөтөлбөрийн хүрээнд (1,800 метр) 17 цооног өрөмдсөн:
  - > Төлөвлөсөн боловсруулах үйлдвэрээс 3 км зайд өдөрт 1,800 тонн хүдэр боловсруулах үйл ажиллагааг дэмжих боломжтой усны эх нөөц нээн илрүүлсэн.
  - > Бүртгэл, тусгай зөвшөөрлүүдийг авахад шаардлагатай усны нөөцийг тодорхойлох 2-р шатны хөтөлбөрийг эхлүүлсэн.
- > Sustainability East Asia LLC компани Байгаль Орчин, Нийгмийн Нөлөөллийн Үнэлгээг (“ESIA”) боловсруулж эхэлсэн.

- > Энэхүү хөтөлбөр нь Монгол улсын Байгаль орчны нөлөөллийн нарийвчилсан үнэлгээ (“БОННУ”)-ний нөхцөл, шаардлагуудаас гадна компанийн бодлого хариуцлага, тодорхой олон улсын стандартуудыг хангасан байна.
- > Орон нутагт байгаль орчин, нийгмийн мэдээллийн цуглуулах ажлыг нөлөөлөл болон удирдлагын төлөвлөгөөний дагуу 3-р улиралд эцэслэн, 3-4-р улиралд орон нутгийн хэлэлцүүлгийг зохион байгуулахаар төлөвлөж байна.
- > 3-р улирлын хайгуулын болон техникийн хөтөлбөрийг эхлүүлсэн:
  - > 9-р сард хайгуул, геотехник болон гидрологийн хээрийн судалгааны ажлууд эхэлнэ.
  - > Дүүргийн хүрээнд геофизикийн судалгаа, үр дүнгийн тайллын хөтөлбөрийг хэрэгжүүлснээр тусгай зөвшөөрлийн талбайд өрөмдлөгийн хэтийн төлөв бүхий талбайг тодорхойлох боломжтой болно.
  - > Хоёрдогч зах зээл болон засгийн газрын сонгон шалгаруулалтаар хэтийн төлөв бүхий талбайг эзэмших боломжуудыг судалсаар байна.

### Санхүүгийн онцлох мэдээлэл

- > 2019 оны 7 сарын 9-нд 2 сая кан.долларын хаалттай санхүүжилтийг татан төвлөрүүлсэн.
  - > Санхүүжилтийг урьдчилсан ТЭЗҮ боловсруулах, тусгай зөвшөөрлийн өргөдөл болон 3-р улирлын хайгуулын хөтөлбөрт зарцуулахаар төлөвлөсөн.
  - > Эрдэнэ Ресурсийн удирдлага, ТУЗ-ийн гишүүд болон ажилтнууд энэхүү санхүүжилтийн 8%-ийг захиалан, хөрөнгө оруулалт хийсэн бөгөөд 2019 оны 2-р улирал эхэлснээс хойш 1.3 сая ширхэг хувьцаа худалдан авсан.
- > 2019 оны 4 сарын 12-нд Сэндсторм Гоулд-аас Хөндий Алтны Төслийн борлуулалтын цэвэр ашгийн төлбөр (“БЦАТ” эсвэл “Роялти”)-ийн 50%-ийг буцаан худалдаж авсан:
  - > Хөндий Алтны Төслийн Анхан Шатны Эдийн Засгийн Тооцооллын (“АШЭЗТ”) үр дүнд үндэслэхэд БЦАТ-ийн бодит үнэ цэн нь \$1.2 сая канад доллараар буцаан худалдан авсан үнээс давна хэмээн үзэж байна.
- > 2019 оны 6 сарын 30-нд дуусгавар болсон 3 сарын хугацаанд Компанийн нийт алдагдал \$755,291 байсан нь 2018 оны мөн үеийн 1,439,471 кан.долларын алдагдалтай харьцуулахад буурсан үзүүлэлт юм.
  - > Капиталжуулсан зардлыг оролцуулсан хайгуулын зардал нь \$1,807,460 байсан бөгөөд өнгөрсөн оны \$2,462,175-тай харьцуулахад буурсан бөгөөд энэ нь Хөндий Алтны Төслийн урьдчилсан ТЭЗҮ боловсруулахаар уурхайн судалгааны зардал өссөн, түүнтэй холбоотойгоор 2019 онд өрөмдлөг буурсантай холбоотой.
  - > Компанийн захиргаа, удирдлагын зардал (мөнгөн бус, хувьцаанд суурилсан нөхөн төлбөр болон элэгдлийг оролцуулахгүй) нь \$261,819 кан.доллар байсан нь өнгөрсөн оны мөн үеийн \$360,616 кан.доллартай харьцуулахад буурсан үзүүлэлт юм. Энэ нь боловсон хүчний өөрчлөлттэй холбоотой зардал буурсан болон гүйцэтгэлийн урамшууллын хугацаатай холбоотой.

### Судалгаанууд болон тусгай зөвшөөрлийн тухай

2019 оны 8 сарын 5-нд Монгол улсын Ашигт Малтмал, Газрын Тосны Газар (“АМГТГ”)-аас Эрдэнэ Ресурсийн Баян Хөндий нөөцөд MV-021444 дугаар бүхий ашиглалтын тусгай зөвшөөрөл олгосон. Энэхүү ашиглалтын тусгай зөвшөөрөл нь “Монгол улсын баруун өмнө зүгт Баянхонгор аймаг дахь Баян Хөндий Алтны Төсөл” (“Bayan Khundii Gold Project, Bayankhongor Aimag, Southwest Mongolia”) нэртэйгээр бүртгүүлсэн NI 43-101 эрдсийн нөөцийн техникийн тайланг багтаасан 2,309 га талбайг хамарна. Түүнээс гадна ашиглалтын тусгай

зөвшөөрлийн талбайд Эрдэнэ Ресурсийн Алтан Сум (“Altan Arrow”), Хойд Хөндий (“Khundii North”) болон Баруун Хөндий (“Khundii West”) хэмээх хэтийн төлөв бүхий талбайнууд багтаж байна. Ашиглалтын тусгай зөвшөөрөл нь 30 жилийн хугацаатай олгогдох бөгөөд компани үргэлжлүүлэн 70 жил хүртэл сунгах боломжтой. Баян Хөндийн хайгуулын тусгай зөвшөөрлийн хүрээнд хайгуулын хөтөлбөр хэрэгжүүлэх боломжтой 2,205 га бүхий талбай нь ашиглалтын тусгай зөвшөөрөлд хамаарахгүй болно.

Tetra Tech, Inc. нь Хөндий Алтны Төслийн урьдчилсан ТЭЗҮ-г National Instrument 43-101 эрдсийн төслийн тайлагналын стандартын дагуу боловсруулж байна. 2019 оны 3-р сард эхлүүлсэн урьдчилсан ТЭЗҮ-д багтсан нөөцийн тооцоолол, уурхай, геотехник, металлург, боловсруулалт, хаягдал чулуулаг болон гидрогеологийн судалгааны гүйцэтгэл эрчимтэй явагдаж байна. Эдийн засгийн загварчлалыг 8-р сард боловсруулж эхлэх бөгөөд капитал, үйл ажиллагааны зардлын тооцооллын хүрээнд боловсруулах үйлдвэр, тоног төхөөрөмжийн үнийн санал авах хүсэлтийг үйлдвэрлэгчдэд илгээсэн.

Tetra Tech-ийн зөвлөсний дагуу компанийн удирдлага нь урьдчилсан ТЭЗҮ-г Баян Хөндий Алтны Төсөлд тулгуурлан боловсруулахаар шийдвэрлэсэн бөгөөд үүнд нөлөөлсөн хүчин зүйлс нь:

- Баян Хөндийн 2019 оны 2-р улирлын өрөмдлөгийн хөтөлбөрийн үр дүнгүүд болон түүний Баян Хөндийн нөөцийн тооцоололд үзүүлэх эерэг нөлөө;
- Тусгай зөвшөөрөл болон техникийн судалгаанаас харахад Баян Хөндийг анхлан хөгжүүлэх нь эдийн засгийн хувьд хамгийн үр ашигтай;
- Алтан Нар төслийн өнөөгийн ордыг хөгжүүлэхээс өмнө нөөцийг тэлэх боломжийг тооцоолон, нэмэлт хайгуулын ажлыг гүйцэтгэх;
- Алтан Нар ордын суурь металл, алт авалтыг нэмэгдүүлэх, полиметаллын хүдрийг боловсруулах хамгийн тохиромжтой схем гаргахын тулд нэмэлт металлургийн судалгааг хийх шаардлагатай.

Ингэснээр Баян Хөндийн тайланг урьдчилсан ТЭЗҮ, Алтан Нарыг АШЭЗТ-ын түвшинд тайлагнана. Эдгээр судалгаануудад зориулан Tetra Tech нь Баян Хөндийн боловсруулах үйлдвэрт Алтан Нарын хүдрийг боловсруулна хэмээн таамагласан. NI 43-101 стандартын дэд бүтэц хамтран ашиглах төслүүдийг нэгтгэн тайлагнах зааварчилгааны дагуу эдгээр судалгаануудыг нэгтгэн Хөндий Алтны Төслийн техникийн тайлан болгон тайлагнана. Хөндий Алтны Төслийн техникийн тайлангийн үр дүнг 2019 оны 3-р улиралд танилцуулан, 2019 оны 4-р улиралд тайланг бүртгүүлэхээр төлөвлөсөн.

Алтан Нар нь Хөндий Алтны Төслийн гол бүрэлдэхүүний нэг хэсэг байсаар байх бөгөөд Эрдэнэ Ресурс нь нөөцийг хөгжүүлэх гол судалгаа болон тусгай зөвшөөрлийн өргөдлийн үйл явцыг үргэлжлүүлнэ.

### Хөндий Алтны Төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

Компани нь 2018 оны 3-р улиралд Төслийн анхан шатны нөөцийн тооцооллыг тайлагнасан бөгөөд энэхүү тайланд 2.3 г/т алтны дундаж агуулга бүхий 10.1 сая тоннд (“Mt”) 751,000 унц алтны бодит нөөц (Хүснэгт 1- ээс харна уу) тогтоогдсон. 2019 оны 2-р сарын 4-нд танилцуулсан Анхан Шатны Эдийн Засгийн Тооцоололд (“АШЭЗТ”): Алтны үнийг \$1200/унц гэж төсөөлөхөд татварын дараах өнөөгийн үнэ цэн нь (5% хоргодуулалтаар)

(“NPV5%”) 99 сая ам.доллар, дотоод өгөөжийн хувь (“IRR”) нь 56% байсан. Мөн тооцооллоор 8 жилийн турш 3.42 г/т дундаж алтны агуулга бүхий хүдрээс жилд дунджаар 51,200 унц алт үйлдвэрлэх боломжтой уурхайг төлөвлөсөн. Дээрх төлөвлөгөө нь төслийн үнэ цэнийн суурь бөгөөд цаашид хүдрийн биетийг тэлэх, нэмэлт нээлт хийх хэтийн төлөвтэй бүсүүд хайгуулын тусгай зөвшөөрөл бүхий талбайд багтдаг нь ирээдүйн өсөлтийн гол хүчин зүйл юм.

Хүснэгт 1 – Хөндий Алтны Төслийн нөөцийн мэдээлэл

Захын агуулга	Нөөцийн тодруулга	Хэмжээ (сая тонн)	Агуулга (Au г/т)	Алт (унц)
Санал болгосон(1)	Баттай	1.4	3.6	161,000
	Бодит	8.7	2.1	590,000
	<b>Баттай &amp; Бодит</b>	<b>10.1</b>	<b>2.3</b>	<b>751,000</b>
	Боломжит	5.2	1.8	291,000

(1) RPMGlobal нь Баян Хөндийн ил уурхайн нөөцийг 0.6 г/т, Алтан Нарын ил уурхайн нөөцийг 0.7 г/т харин ил уурхайгаас доош орших нөөцийн захын агуулгыг 1.4 г/т-оор тооцоолохыг зөвлөсөн.

Анхан шатны эдийн засгийн тооцоолол нь урьдчилсан таамаглал бөгөөд зарим тооцоолол нь боломжит нөөц дээр тулгуурласан болно. Боломжит нөөц нь урьдчилсан болон эцсийн техник, эдийн засгийн тооцоололд багтаахад геологи, эдийн засгийн хувьд эрсдэл өндөртэй. Ашигт малтмалын геологийн нөөцийг ашиглалтын нөөц гэж үзэхгүй бөгөөд эдийн засгийн ач холбогдолтой гэдгийг нь харуулах баталгаа байхгүй боловч эдийн засгийн үр ашигтайгаар олборлох боломжийн хэтийн төлөвтэй гэж ойлгоно. Анхан шатны эдийн засгийн тооцооллын тайлантай SEDAR дахь компанийн хуудасны “NI 43-101 Technical Report for the Preliminary Economic Assessment of the Khundii Gold Project” файлаар танилцана уу.

Петер Далтон (Peter Dalton, P.Geo) нь Компанийн ахлах геологич (Nova Scotia) бөгөөд NI 43-101-т заасан мэргэшсэн этгээд юм, тэрээр энэхүү хэвлэлийн мэдээний техникийн мэдээллийг хянан баталгаажуулсан болно.

## Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт [www.erdene.com](http://www.erdene.com)-оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

## Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд

өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

**ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.**

### Холбоо барих:

Петер К. Акерли, Ерөнхийлөгч болон Гүйцэтгэх захирал

Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp-/>

YouTube: <https://www.youtube.com/channel/UCILs5s9j3SLmya9vo2-KXoA>